

紀念屈原

陪都文化界於端午日舉行紀念屈原晚會，禮堂內高懸「紀念第一屆詩人節」標語。于院長右任主席致辭，略謂：五月多痛心的日子，但屈子的精神偉大，適值得紀念。「詩人，是民族精神的戰士，不是無用的，消極的。」今日新中華民族的詩已有成，應如屈子謳歌國土甚至一草一木之偉大。繼由老舍報告紀念會籌備經過，「不論那一體詩的詩人，都團結在詩人節之下」，並宣稱各方詩人紛來頌詩，將陸續發表。再由郭沫若氏講演：「研究屈原的心得」，詳論此二千二百九十九年前大詩人之成就及時代背景。最後為誦詩各體詩歌，並聚餐云。

詩人節二首

于右任

文藝界倡議以端午為詩人節，紀念屈子也，以近讀詩紀之。

端午多遺事，民間記誦牢。祇因思屈子，不獨愛離騷。志以修能潔，歌尤想像高。皇天酬大節，即此起神泉。
民族詩人節，詩人更不忘。乃知崇紀念，用以禦危亡。宗國千年痛，幽蘭萬古香。於今期作者：「無畏」放光芒。

【注】九章，懷沙，定心廣志，吾何畏懼兮。

辛巳詩人節

巴縣作

李仙根

小雅宗邦義，離騷萬古情。明知天莫問，其奈地將傾。脈脈懷沙意，依依惜誦聲。詩人本忠愛，豈有不平鳴。湘水有時竭，湘壘淚不乾。折瓊思繼佩，鋤艾恐傷蘭。楚橘紛為頌，秋英落可餐。獨效千古月，照此寸心丹。